



RECIT VERITABLE DE
la sanglante rencontre aduenüe les
25 & 26. d' Avril 1626. en la
basse Saxe, soubz la conduite du
Duc de Fridlant Prince de
Vvalstein General : Et le
Comte de Mansfelt pour les
Princes Protestans, & de la part
du Roy de Dennemarcq, & au-
tres de la Ligue.



Edit Comte
 Mansfelt e-
 stant venu a-
 uec toute son
 armee au pays
 de l'Esleeteur,
 le Marquis de Brandenbourg

A ij

s'est au commencement rendu maistre de quelques petites villes, & entr'autres de celle de Zerbst bonne ville approchant aussi de fort pres l'Armee de l'Empereur, logee au long de la Riviere d'Elbe; Et de faict a commencé d'attaquer avec toute son Armee le Fort de Dessau contrainct par les Imperialistes sur le bord de ladite Riviere pour y garder le pont & passage mesmes la ville de Dessau, fort important pour l'Armee dudit Prince de VValstein: Lequel à cet effect s'y achemine avec icelle pour secourir vne place à luy tant importante, & de faict lesdites deux Armees sont venuës aux mains le iour de saint Marc, commençant depuis les neuf

heures du matin iufques à trois heures apres midy, ou toute l'infanterie dudit Mansfelt a esté taillee en pieces & vne partie de la Cauallerie, s'estant fauüé avec le refte d'icelle, tout son bagage pris avec les munitions confiftant en quatre mille Chariots, onze pieces d'Artillerie, y compris quatre Mortiers, trente-quatre Enseignes & deux Cornettes: Les morts fix mille, entre iceux deux Colonnels, trois Lieutenans Colonnels & autres Officiers, quinze cents prifonniers entre iceux le Colonel Kniphaufen tres-vaillant Cappitaine, qui autresfois a eu fon pardon de la Maiefté Imperiale à caufe de la rebellion, & plufieurs autres Capitaines & Officiers. Du cofté du

Prince y sont demeurez fort peu, sauf quelques blesez, & entr'autres le Colonel Aldringer commandant audit Fort de Dessau d'une mousquetade dans la cuisse. Ladite ville de Zerbst fut prise d'abord par force & donnée par ledit Prince au sacq & au pillage, ou toute la Garnison de Mansfelt, a passé par le fil de l'espee, lequel Mansfelt s'estât mis à fuitte avec le reste de ses troupes a esté encores viuement pouruiuy. Il faut croire qu'en peu de iours on entendra d'autres combats & rencontres, puis que l'Armee dudit Prince, apres vne telle victoire se va renforçant de iour à autre, de plusieurs troupes qui luy viennent rât du costé de Boheme, que d'ailleurs & nommément des

Troupes faictes par le Comte de Merode, au pays de Liege & Coloigne, consistans en sept mille hommes de pied, & douze cents cheuaux arriuez au pays de VVetterau, entre Francfort & Fridberg, & six mille hommes que le Marquis de Spinola enuoye soubz la conduite du Comte Dilembourg pour renforcer de mesmes les Troupes du Comte de Tilly Lieutenant General des Armees des Princes d'Allemagne de la Ligue Catholique aux mesmes endroiets de la basse Saxe, au pays de Brunsvicq, se tenans sur & au long de la Riuere de Vvezer, comme aux villes de Hamelen, Minden, Huxei & plusieurs autres deça & dela ladite Riuere; outre la ville de Halberstat, &

generalement toutes les places
qui dependent de l'Euesché du-
dit Halberstat. Voyla ce qui a
esté mandé du Camp dudit Prin-
ce Vvalstein.

FIN.